



TAX SYSTEM AND TAX RISK MANAGEMENT MECHANISM OF THE REPUBLIC OF UZBEKISTAN

Iminokhunov Abdukhakhor Abduvoitovich

Vice Rector of ORIENTAL University

Almardanov Mukhamadi Ibragimovich

Doctor of economic sciences

Komolov Odiljon Saifidinovich

Associate professor

ЎЗБЕКИСТОН РЕСПУБЛИКАСИ СОЛИҚ ТИЗИМИ ВА СОЛИҚ ХАВФИНИ БОШҚАРИШ МЕХАНИЗМИ

Иминохунов Абдуқаҳхор Абдувоитович

ORIENTAL Университети проректори

Алмарданов Мухамади Ибрагимович

и.ф.д., проф.

Комолов Одилжон Сайфидинович

и.ф.н., доц.

JEL Classification: M4, M42

Abstract: In this scientific article, it is necessary to reform the tax system, further improve the mechanism of taxes, and create a "digital economy" with increasing efficiency and development, as well as to accelerate the implementation of universally recognized international norms and standards in the field of taxation into the national tax legislation. It reflects the creation of equal competition conditions for conducting business activities, including the reduction of the burden of regulation and indirect taxes, the reform of procedures for compliance with the requirements of tax legislation on the basis of modern information technologies.

Key words: State budget, taxes, tax system, tax burden, tax legislation,

mechanism of indirect taxes, tax credits, indirect tax, direct tax, tax revenue, value added tax, import, customs duty, excise tax, customs fees, tax administration

Аннотация: Уибӯ илмий мақолада солиқ тизимини ислоҳ этиши, солиқлар механизмини янада тақомиллаштириши ҳамда самарадорлигини ошириши ва ривожланиши бўлган «ракамли иқтисодиёт»ни шакллантириши, шунингдек, солиқ соҳасидаги умумэътироф этилган халқаро норма ва стандартларни миллий солиқ қонунчиликка имплементация қилишини жадаллаштириши лозим. Таъдиркорлик фаолиятини юритиш учун, шу жумладан тартибга солиши ва билвосита солиқлар юкини камайтириши ҳисобига тенг рақобат шароитларини яратиш, солиқ қонунчилиги талабларига риоя



қилиши тартиб-таомилларини замонавий ахборот технологиялари асосида ислоҳ қилиши акс эттирилган.

Таянч иборалар: Давлат бюджети, солиқлар, солиқ тизими, солиқлар юки, солиқ қонунчилиги, билвосита солиқлар механизми, солиқ имтиёзлари, эгри солиқлар, тўғри солиқлар, солиқ тушумлари, қўшилган қиймат солиги, импорт, божхона бўжи, акциз солиги, божхона тўловлари, солиқ маъмуриятчилиги, солиқ мониторинги, камерал солиқ текшируви, сайёр солиқ текшируви, солиқ аудити.

Кириш

Мамлакатимизда яширин иқтисодиёт даражасини пасайтириш, тадбиркорлик фаолиятини юритиш учун, шу жумладан тартибга солиш ва билвосита солиқлар юкини камайтириш ҳисобига teng рақобат шароитларини яратиш, солиқ қонунчилиги талабларига риоя қилиш тартиб-таомилларини замонавий ахборот технологиялари асосида ислоҳ қилиш ва унинг тартибини соддалаштиришни тақозо этади.

Ўзбекистон Республикаси Президентининг 2020 йил 24 январдаги Олий Мажлисга Мурожаатномаси ва 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Илм, маърифат ва рақамли иқтисодиётни ривожлантириш йили»да амалга оширишга оид давлат дастурида

белгиланган вазифалар ижросини ва ҳаёт сифатининг барқарор яхшиланишини таъминлаш ҳамда тадбиркорлик фаолиятини юритиш ва «рақамли иқтисодиёт»ни ривожлантириш учун қулай муҳит яратиш белгилаб олинди.

Ўзбекистон Республикаси Президенти Шавкат Мирзиёевнинг 2020 йил 24 январдаги Олий Мажлисга Мурожаатномасида яқинда қабул қилинган янги Солиқ кодексига мувофиқ, бу йилдан бошлаб кўплаб янгиликлар амалиётга жорий этилиши таъкидлаб ўтилди:

«Яқинда қабул қилинган янги Солиқ кодексига мувофиқ, бу йилдан бошлаб кўплаб янгиликлар амалиётга жорий этилмоқда. Жумладан, солиқ турлари 13 тадан 9 тага камайтирилди. Солиқларни тўлаш муддатини узайтириш ёки бўлиб-бўлиб тўлашга рухсат бериш бўйича енгиллаштирилган механизmlар киритилди.

Солиқ кодекси нормаларини ҳар бир солиқ ходими, тадбиркорлар ва солиқ тўловчилар пухта ўзлаштириши, бунинг учун уларни мунтазам равишида ўқитиш зарур»[1].

Хозирги кунда мамлакат иқтисодиётини етакчи соҳа ва тармоқларининг замон билан ҳамнафас фаолият юритишига барча зарур шароит яратиб берилмоқда. Кичик бизнес ва хусусий тадбиркорликка кенг йўл очиб берилаётгани, илгор ахборот-коммуникация технологияларини қўллаган ҳолда солиқ тизимини ҳаётимизга изчилилк билан жорий этилаётгани эришилаётган самарали



ютуқларимизнинг мустаҳкам пойдеворини ташкил этмоқда. Солик соҳасида амалга оширилаётган кенг қамровли ислоҳатлар натижасида мамлакатимиз иқтисодиёти барқарор суъратлар билан ривожланиб ишбилармонлик муҳитини янада яхшиланишига замин яратмоқда.

Иқтисодий моҳиятига қараб солиқлар эгри ва тўғри солиқларга ёки бевосита ва билвосита солиқларга бўлинади. Билвосита солиқларни ҳуқуқий тўловчилари маҳсулот (иш, хизматни) юклаб юборувчилар хисобланади. Лекин, солик оғирлигини ҳақиқатдан ҳам бюджетга тўловчилари товар (иш, хизмат)ни истеъмол қилувчилардир, яъни билвосита солиқларнинг барчаси бевосита истеъмолчилар зиммасига тушади. Бу солиқлар товар (иш, хизмат) қиймати устига қўшимча равища қўйилади.

Билвосита солиқларнинг ижобий томони шундаки, улар республикада ишлабчиқарилган товарларни республикадан ташқарига чиқиб кетишини чегаралайди, мамлакат ичидаги товарларнинг сероб бўлишига ёрдам беради ҳамда инфляция даражасини (муомаладаги ортиқча пул массасини) бирмунча жиловлаб туради. Билвосита солиқлар ставкасининг асосли равища оширилиши корхоналар фаолиятининг молиявий якунига тўғридан–тўғри таъсирэтмайди, яъни инвестицион фаолиятини қисқартирумайди.

Мавзуга оид адабиётлар таҳлили

Профессор

Қ.А.Яҳёевнинг

фикрича, ”Иқтисодий моҳиятига қараб солиқлар эгри ва тўғри солиқларга ёки бевосита ва билвосита бўлинади. Тўғри солиқларни тўғридан тўғри солик, тўловчиларнинг ўзи тўлайди, яъни солиқни ҳуқуқий тўловчиси ҳам, ҳақиқий тўловчиси ҳам битта шахс бўлади. Тўғри солик юкини бошқаларга ортиш ҳолати бу ерда бўлмайди. Бу солиқларга ҳамма даромаддан тўланадиган ва барча мулк солиқлари киради.

Эгри солиқларни ҳуқуқий тўловчилари маҳсулот (иш, хизматни) юклаб юборувчилардир (хизмат кўрсатувчилардир). Лекин солик оғирлигини ҳақиқатдан ҳам бюджетга тўловчилари товар (иш, хизмат)ни истеъмол қилувчилардир, яъни ҳақиқий солик тўловчилар бу ерда яширинган.” - деб таъриф берган. [2].

Профессор А.В.Ваҳобов, А.Жўраевлар солик назоратига тўхталиб, “Солиққа оид қонунбузилишларнинг олдини олиш ва уларга барҳам бериш амалдаги тадбирларни ва усулларни доимий равища такомиллаштириб боришини тақазо қиласи. Солиққа оид жиноятларнинг ўсиши давлатнинг молиявий ресурсларига бўлган эҳтиёжларини қондиришга салбий таъсир кўрсатади ва бунинг оқибатида давлат солиқсиз тушумларни қидиришга мажбур бўлади. Бу эса, ўз навбатида давлатнинг ички ва ташқи қарзларининг ўсишига олиб келади.”[3] деб фикр билдиришган.

PhD Б.А.Норматов томонидан солик текшируви бўйича жаҳон моделлари, хусусан Англо-саксон



модели (Буюк Британия, Австралия, Янги Зеландия), Романо-герман модели (Германия, Франция, Япония), Аралаш модели (АҚШ, Канада) ва МДХ давлатлари модели таҳлил қилинган ҳолда «солиқ текшируви» тушунчаси хорижий давлатларда «tax audit» тушунчаси билан ифодаланиши қайд этилган, шунингдек жаҳон тажрибасига кўра солиқ текширувлари типик икки турга: камерал солиқ текшируви (desk audit) ва сайёр солиқ текширувига (field audit) бўлиниши, ризк бошқарув тизими хорижий давлатларда турлича, хусусан «Risk management system», «Tax compliance management system», «Compliance Strategy» номаланиши қайд этилади, шунингдек ризк бошқарув тизимини ишлаб чиқишидан мақсад солиқларни ундириш жараёнида солиқ органи ходимлари ва солиқ тўловчиларнинг қасдан ёки эҳтиётсиз ҳаракати (ҳаракатсизлиги) натижасида солиқ тушумлари камайиши ёки тўланмаслигини истисно этиш ҳисобланиши ҳамда мазкур тизим нафақат солиқ соҳасида балки молия, банк, божхона ва маъмурий соҳаларда ҳам қўлланилиши тўғрисида хulosага келинган. [4]

М.М.Шадурская,
Е.А.Смородина, Т.В.Бакуновалар билвосита солиқларга тўхталиб, “Билвосита солиқлар - бу товарлар ва хизматлар тарифига қўйилган


қўшимча нарх қўринишидаги солиқдир” деб таъриф беришган. [5]

Тадқиқот методологияси

Ушбу мақолада хорижий ва мамлакатимиз иқтисодчи олимларининг билвосита солиқларни турлари, билвосита солиқларни Ўзбекистон Республикаси солиқ тизимида тутган ўрни, солиқ маъмуриятчилиги, солиқ назорати, солиқ назорати шакллари, солиқ текширувлари, солиқ мониторинги, билвосита солиқларни ўзига хос хусусиятларига бағишлиланган илмий асарлари Ўзбекистон Республикаси Давлат солиқ қўмитаси маълумотларининг таҳлилида статистик маълумотларни гуруҳлаш, солиштирма таҳлил, танлама кузатув усусларидан фойдаланилди. Тадқиқот методологияси сифатида адабиётлар қиёсий таҳлили, мантиқий ва таркибий таҳлил қилиш, гуруҳлаштириш ва қиёсий таққослаш, иқтисодий-статистик таҳлил ва солиштирма таҳлил, танлама кузатув усусларидан фойдаланилди.

Таҳлил ва натижалар

2021 йилда Давлат бюджети даромадлари таркибидаги бевосита 35,8 % ва билвосита солиқларнинг 34,2 % нисбати сақланиб қолди. Даромадлар таркибидаги турли солиқларнинг нисбати динамикаси 1-диаграммада кўрсатилган.



1-диаграмма. Давлат бюджетининг умумий даромадларидағи улуси (%)

Давлат бюджети даромадлари таркибиغا сўнгги уч йилдаги солик сиёсати чораларининг ўзгартирилиши, илгари берилган солик имтиёзларининг бекор қилиниши, иқтисодиёт секторларида олиб борилаётган ислоҳотлар ҳисобига солик базасининг кенгайтирилиши, шунингдек хом ашё товарлари нархларинингдинамикаси таъсир кўрсатди.

Солик тушумлари таркибининг ўзгариши соликларнинг айrim турлари бўйича

солик тўловчилар сонининг кўпайиши билан ҳам боғлиқ.

2021 йилда билвосита соликлар бўйича тушумлар ўтган йил билан солиштирганда 9,9 трлн. сўмга 21,2% ошиб, 56,3 трлн. сўмни ташкил этди.

2021 йилда солик ва божхона органлари томонидан маъмурлаштириладиган қўшилган қиймат солиги бўйича тушумлар 52,8 трлн. сўмни ташкил этди (қоплаш суммаларини ҳисобга олмагандан) ёки 2020 йил билан солиштирганда 12,6 трлн. сўмга ошди.(2-диаграмма)



2-диаграмма. Қўшилган қиймат солиғи түшумлари ва қопланиши бўйича маълумот

Бунда 2020 йил билан солиштирганда божхона органлари томонидан ундириладиган қўшилган қиймат солиғи 38,2 %га ошди, солик органлари ундирадигани – 24,8 %га. Түшумларнинг ўсиши солик базасининг кенгайтирилиши (солик ислоҳоти ўтказилиши ва солик имтиёзлари бекор қилиниши), иқтисодий ўсиш (шу жумладан 2020 йилда амал қилган карантин чекловларини юмшатилиши) ҳамда солик ва божхона маъмуриятчилигини такомиллаштириш чораларини кўриш ҳисобига таъминланмоқда.

Қўшилган қиймат солифининг бюджетга тўлиқ келиб тушишини таъминлаш билан бир қаторда ҳисобга олинадиган қўшилган қиймат солиғи солик суммасининг ҳисобланган солик суммасидан

ошиши натижасида юзага келадиган солик ўрнини қоплаш тартиби такомиллаштирилмоқда.

2020 йил 1 июлгача фақат экспортчи компанияларга қўшилган қиймат солифининг ўрни қопланган. 2020 йил 1 июлдан бошлаб барча компанияларга қўшилган қиймат солиғи ўрнини қоплаш имконини берувчи тизим жорий этилган ва муддатлар белгиланган.

Шунингдек, 2020 йилда солик тўловчиларга 9,0 трлн. сўм қайтарилиган бўлса, 2021 йилда қоплаш суммаси 14,4 трлн. сўмни ташкил этди (келиб тушган маблағларнинг 27,3 %). 14,4 трлн. сўм миқдоридаги қоплаш суммаларини ҳисобгаолганда 2021 йилда қўшилган қиймат солиғи бўйича түшумлар ҳисоботда 38,4 трлн. сўм миқдорида акс эттирилди



(тушумлар қоплаш суммасига камайтирилган).

Солик ва божхона имтиёзларини бекор қилиш ҳисобига тенг рақобат мұхитини яратиш ҳамда қүшилган қиймат солиғини үйиши маъмуриятчилигини такомилластириш бўйича кўрилаётган чоралар қўшилган қиймат солиғи самарадорлигини ошириш имконини берди. Халқаро молия институтлари қўшилган қиймат солиғидан даромадларни таҳлил қилишда қўшилган қиймат солиғининг самарадорлик коэффициентини қўлладилар. Бу турли мамлакатлар турли солик ставкаларини ва солик ўрнини қоплаш тартибини қўллаши билан изоҳланади. Бунда ИХТТ мамлакатлари бўйича ўртacha кўрсаткич 60 % атрофига бўлиб, бу қўшилган қиймат солиғи солинмайдиган айланмалар ва пасайтирилган ставкалар мавжудлиги билан изоҳланади.

Кўшилган қиймат солиғи самарадорлиги (йифилувчанлиги бўйича) 2020 йилдаги 44,5 %дан 2021 йилда 48 %гача ошди. (ҚҚС үйиши самарадорлиги = ҚҚСдан даромад ЯИМдан фоизларда / ҚҚС ставкаси).

2021 йилда акциз солиғи тушумлари 2020 йил билан солиширганда 1,4 трлн. сўмга ошди ва 13,1 трлн. сўмни ташкил этди. Тушумларнинг ошиши, асосан 2021 йил февраль ва октябрь ойларида солик ставкаларини ўртacha 15 %га индексация қилиниши ҳисобига таъминланди.

Бунда алкоголь маҳсулотлари бўйича акциз солиғи тушумлари,

ставкаларнинг индексация қилинишига қарамасдан 2020 йил даражасида сақланиб қолди. Импорт қилишда акциз солиғи тушумининг камайиши унинг 2020 йил 1 августдан – транспорт воситалари учун ҳамда 2021 йил 1 январдан – 73 та товар позицияси (озиқ-овқат, электр техника товарлари ва ҳ.к.) учун бекор қилиниши билан боғлиқ. Ушбу сабабларга кўра акциз солиғи солинадиган маҳсулотларни импорт қилиш ҳажми 978,6 млн. АҚШ долларидан 557,6 млн. АҚШ долларигача қисқарди.

Шу билан бирга, алоҳида турдаги товарлар бўйича акциз солиғи бекор қилиниши уларнинг расмий импортини қонунийластиришга имкон берди. Бунда, масалан 2021 йилда колбаса маҳсулотлари импорти 2020 йилга нисбатан деярли 4 бараварга ўсган.

2021 йилда божхона божи тушуми 4,8 трлн. сўмни ташкил этди ёки 2020 йил билан солиширганда 1,2 трлн. сўмга ошди. Божхона божи тушуми абсолют миқдорда ошганига қарамай, Давлат бюджетининг умумий даромадларида унинг улуши 2-3 %доирасида сақланиб турибди.

Шу билан бирга, 20 турдаги товарларга Ўзбекистон Республикаси худудига олиб киришда божхона божининг ноль ставкасини қўллаш муддати 2021 йил 31 декабрга қадар узайтирилди. Уларнинг рўйхати Ўзбекистон Республикаси Президентининг 2020 йил 3 апрелдаги «Коронавирус пандемияси даврида аҳоли, иқтисодиёт тармоқлари ва тадбиркорлик субъектларини қўллаб-қувватлашга


доир қўшимча чора-тадбирлар тўғрисида»ги ПФ-5978-сон Фармонида келтирилган. 2021 йилда имтиёзлар суммаси 480,0 млрд. сўмни ташкил этди.

Қайд этиш лозимки, 2021 йилда умумий импорт ҳажмида божхона тўловларига тортиладиган импортнинг улуши 68,9 % ни ташкил қилди.[6]

Солик хавфи таҳлили солик органларида мавжуд бўлган

ахборотдан хавфнинг юзага келиши ҳолатлари ва шарт-шароитларини аниқлаш, уларни идентификациялаш ва солик тўғрисидаги қонун ҳужжатларига риоя этилмаслигининг эҳтимол тутилган оқибатларини баҳолаш мақсадида мунтазам равишда фойдаланишdir.

Солик хавфини баҳолаш хавфнинг юзага келиши эҳтимолини ва у юзага келганда солик тўғрисидаги қонун ҳужжатларининг бузилиши оқибатларини мунтазам равишда аниқлаб боришдан иборат.



1-расм. Солик хавфини бошқариш

Манба: муаллиф томонидан тадқиқотлар асосида ишлаб чиқилди.

Солик хавфини таҳлил қилиш ва натижаларини баҳолаш дастурий маҳсулотни қўллаш орқали амалга оширилади.

Солик тўловчилар солик хавфи даражасига қараб паст, ўрта ва юқори хавфли тоифаларга ажратилади.

Солик хавфи даражасига қараб солик тўловчилар дастур орқали солик хавфи даражасини аниқлаш мезонига белгиланган баллар ва потенциал солик хавфи асосида баҳоланади хамда тоифаларга ажратилади.

Солик хавфи даражаси қўйидаги формула асосида хисобланади:

$$R = Sr / Sp \times 100\%$$

Бунда:

R — хавф даражаси (фоизда);
 Sr — солик тўловчига берилган хавф баллари йиғиндиси;

Sp — хавф даражасини аниқлашда қўлланган потенциал солик хавфи баллари йиғиндиси.

Бунда солик хавфи даражаларини баҳолаш натижалари юқоридан камайиш тартибида, баҳолаш натижалари teng бўлганда эса тўланмаган солик суммаси



эҳтимоли асосида қўйидагича тоифаланади:

81 фоиздан 100 фоизгача — юқори хавф;

30 фоиздан 80 фоизгача — ўрта хавф;

1 фоиздан 29 фоизгача — паст хавф.



2-расм. Солиқ хавфи даражаси

Манба: муаллиф томонидан тадқиқотлар асосида ишлаб чиқилди.

Солиқ хавфи даражаси юқори бўлган солиқ тўловчиларга нисбатан солиқ аудити тайинланади.

Солиқ тўловчининг солиқ хавфи даражаси солиқ хавфини бошқариш тизими асосида олти ойда бир марта аниқланади.

Солиқ хавф даражаси юқори бўлмаган солиқ тўловчилар томонидан ўттиз календарь кундан ортиқ солиқ қарздорлиги тўланмаган тақдирда солиқ хавфи даражаси ҳар чоракда бир марта аниқланиши шарт.

Хулоса ва таклифлар

Ишбилиармонлик ва инвестициявий фаолликни оширишга, соғлом рақобат мухитини шакллантиришга, солиқлар ва бошқа мажбурий тўловлар йиғилувчанлигининг зарур даражасини таъминлашда солиқ назорати методологиясини такомиллаштириш мухим аҳамиятга эга.

Давлат солиқ хизмати органларининг асосий вазифалари бири давлат солиқ сиёсатини амалга ошириш ҳамда солиқ тўғрисидаги қонун ҳужжатларига риоя этилиши, солиқларнинг тўғри ҳисоблаб чиқарилиши, тўлиқ ва ўз вақтида тўланиши устидан назоратни таъминлаш, солиқларнинг солиқ тўғрисидаги қонун ҳужжатларига мувофиқ Ўзбекистон Республикаси Давлат бюджетига ва давлат мақсадли жамғармаларига тўлиқ ҳамда ўз вақтида тушишини таъминлашдан иборат.

Юқорида айтиб ўтилганидек, бевосита ва билвосита солиқлар ягона солиқ тизимини ташкил этиб, бир-бири билан ўзаро боғлангандир. Европа мамлакатларида билвосита солиқларнинг роли АҚШ, Япония, Канада ва Австралияга қараганда юқоридир. Жаҳон солиқ амалиётида Давлат бюджети даромадлари таркибида бевосита ва билвосита солиқларнинг нисбатига қараб у ёки



бу мамлакат иқтисодиётининг ривожланганлик даражасига баҳо бериш мумкин. Европа мамлакатларида жами солиқ тушумларининг ҳажмида билвосита солиқларниң салмоғи 45 фоиздан юқори бўлиб, айrim мамлакатларда 55 фоизни ташкил этади. Мазкур кўрсаткич 50 фоиздан юқори бўлган мамлакатлар гуруҳига Мексика, Туркия ва Корея киради. АҚШ, Япония, Канада ва Австралияда эса ушбу кўрсаткич 15-20 фоизни ташкил қилади.

Солиқ хавфини бошқариш ва Ўзбекистон Республикаси солиқ тизимини аҳамиятини оширишда қўйидаги чора-тадбирларни амалга ошириш лозим:

-Ўзбекистон Республикасининг солиқ сиёсатини такомиллаштириш доирасидаги энг устувор вазифа бўлиб, билвосита солиқлар юкини изчиллик билан камайтириш, солиқ солиш тизимини соддалаштириш ва солиқ маъмуриятчилигини такомиллаштириш иқтисодиётни жадал ривожлантириш хамда мамлакатнинг инвестицияий жозибадорлигини яхшилашнинг энг муҳим шартлари ҳисобланади.

-Тадбиркорлик субъектларига ҳам билвосита солиқлар юкини

тизимли енгиллаштириш орқали уларни реал даромадларини ошириб маҳсулот таннархига таъсири кам бўлишини ҳам ҳисобдан четда қолмаслиги керак. Бунинг натижаси ишлаб чиқарилган маҳсулотлар (кўрсатилган хизматлар) доирасини изчил ўрганиб чиқиш ва солиқ механизмини кўзда тутилган имтиёзлар доирасини янада кенгайтириш таклиф этилади.

- Давлат солиқ хизмати органлари фаолиятини янада такомиллаштириш ва самарадорлигини оширишда «рақамли иқтисодиёт»ни шакллантириш, шунингдек, солиқ назорати соҳасидаги умумэътироф этилган халқаро норма ва стандартларни миллий қонунчиликка имплементация қилишни жадаллаштириш лозим.

- Солиқ назоратининг мутлақо янги тизимини яратиш, текширудан олдинги таҳлил ва масофавий назорат-таҳлил ишларини амалга ошириш учун маълумотларни тўлиқ йиғиш ва қайта ишлашни таъминлайдиган замонавий, илғор ахборот-коммуникация технологияларини жорий этиш чораларини янада кучайтириш.

Фойдаланилган адабиётлар

1.2020 йил - «Илм, маърифат ва рақамли иқтисодиётни ривожлантириш йили» Ўзбекистон Республикаси Президенти Шавкат Мирзиёевнинг 2020 йил 24 январдаги Олий Мажлисга Мурожаатномаси “Халқ сўзи”, 2020 йил 25 январь, № 19 (7521).

2. Яҳёев Қ.А.Солиққа тортиш назарияси ва амалиёти–Тошкент: Фан ва технологиялар маркази, 2003.40-бет



3. Ваҳобов А.В, Жўраев А.С. Солиқлар ва солиққа тортиш.—Тошкент: Шарқ, 2009. 309-бет.

4. Б.А. Норматов. Ўзбекистон Республикасида солиқ текширувларини хуқуқий тартибга солишни такомиллаштириш. Юридик фанлар бўйича фалсафа доктори (PhD) диссертацияси автореферати. 2020 йил.

5. М.М. Шадурская, Е.А. Смородина, Т.В. Бакунова; Налоги и налогообложение: Учебник. 2-е изд., перераб. и доп. Екатеринбург: 2019. 207 стр.

6. Ўзбекистон Республикаси Давлат бюджети даромадларининг 2021 йилдаги ижроси бўйича дастлабки натижалар. Ўзбекистон Республикаси Молия Вазирлиги маълумотлари

7. Ўзбекистон Республикаси Президентининг 2020 йил 30 сентябрдаги “Солиқ маслаҳати соҳасини янада ривожлантириш чора-тадбирлари тўғрисида”ги ПҚ-4846-сон қарори

8. Ўзбекистон Республикасининг Солиқ Кодекси. (янги таҳрири). Қонун хужжатлари маълумотлари миллий базаси, 31.12.2019 й.

9. Ўзбекистон Республикаси Президентининг 2019 йил 30 декабрдаги Ўзбекистон Республикасининг «2020 йил учун Ўзбекистон Республикасининг давлат бюджети тўғрисида»ги қонуни ижросини таъминлаш чора-тадбирлари тўғрисидаги ПҚ-4555-сон қарори

10. Ўзбекистон Республикаси Президентининг 2020 йил 30 октябрдаги “Яширин иқтисодиётни қисқартириш ва солиқ органлари фаолияти самарадорлигини ошириш бўйича ташкилий чора-тадбирлар тўғрисида”ги ПФ-6098-сон Фармони